




't Gezetsje 2017

44^{ste} Oetgaaf

"Gekke krant" veur 't
BEMELER-LAND



Carnavalsvereniging
"De BERGGGEITTE"
Bemelen



(oud)Preens Didier

Leef carnavaliste oet Bemele,

Ut einde van un geweldig joar keump in ziech. De hoogste tied um eve trök te kieke op wat veer es Preens Didier I en Preenses Britt allemaol mit uuch beleef hubbe, trok nao november 2015...

Wils stiech preens weure van C.V. De Berggeitte waar de vraag? Tegeneuver miech zaote Remko en Ralph mit unne ondeugende lach van oer tot oer. Natuurlijk wil iech dat! Veer hubbe heij neet lang euver noa hove te deenke. 11 joar noadat pap geregeerd heit euver 't berggeitteriek maog veer dit joar de scepter gaon zweije en wat hadde veer dao ongeluifelijk veul zin in! Mit kriebels in de boek begos veer same aan de veurbereidinge; pekskes oetzeuke, proclamatie sjrieve, foto's make en gank zoe mer door. Deenger um ut moment suprême op 9 jannewarie nog mier kleur te geve.

9 jannewarie, unne daag um noets mie te vergete. Onderweeg mit ut tromke nao 't gemeenschapshoes in Bemele: De groette zitting. Vol spanning mer veural ontzettend nuschierig nao wat komend joar us allemaol geit breenge dreenk iech nog eine schrobbeler tege de zenuwe mit 't Bemels Keteerke. Eederein dee oets in de kis heit gezete wit wat veur un geweldig spannend moment dit is, ierlijkwoer onbeschrijfelijk. Ut geheim wat veer weke mit veul plezeer hubbe mitgedrage keump letterlijk oet: Preens Didier I en Preenses Britt goan dit joar same mit uuch unne fantastische carnaval tegemoot. Noe, un jaor later, heit ut al us verwachtinge euvertroffe! Preens en Preenses van Bemele zien is ut sjoenste wat d'r is! Wat krijgste un energie van al die geweldige reacties, felicitaties en wat waar miech dat un fees...

Veer kinne uuch vertille dat ste dee zoondag weer mit kippevel opsteis este oet de roet kieks: Roed, geel en greun euveral, de gezilligheid van proatende luij die trukkieke op ut oetrope, muziek van 't Bemels Keteerke en neet onbelangiek, ut ierste lekkere pilske van de daag.



Vandaag gaon veer foto's ophange in de café's. Unne daag mit veul gezelligheid oonder de luij van Bemele. Herinneringe weure gemaak...

Al ut bezeug en de sjoene kedoos zien overweldigend, nogmaals dank daoveur. Ut gief us aog un good gevoel dat veer zoe hartelijk weure ontvange bij de luij die veer opzeuke umdat zie minder mobiel of krank zien. Un sjoen en biezoonder momeent is aog zeker ut onderscheije van mien Bomma bij heur thoës. Ziechbaar geëmotioneerd nump zie uzze medaille vol trots in ontvangs.

Us ierste bezeug same mit de road boete Bemele is bij de Nachroave in de kelder in Eijsde. Sjiek um te zien dat d'r zoeveul luij mit gaon um same mit us carnaval te viere. Sint Antoniusbank 28 leek veur eve de einigste bushalte in ut dorp, eederein volgde um same nog de nudige denskes te doen in de keuke oonder ut genot van un drenkske en un hepke.

Via ut preensetrefte in Groonsveld gaon veer de Auw Wieverbal in Banholt, boe "Kom mer, Gank mit" door de zaal kleenk. En aog 't oetrope van Jerome woar unne geweldige middag, veer moage us gelukkig prieze mit zoe unne enthousiaste en leuke jeugdpreens!

De tied vluig veurbij.....carnavalszaoterdag steit veur de deur. Dit kier weur veer wakker mit get minder leuk nuijts; uzze Layka verliet us sjus veurdat veer de sleutel van pastoor in ontvangst goan neume. Van de gezelligheid op de Gemeinte en ut feeske mit DJ Nando op 't Plateau krijg veer ut weer get wermer. Dat is mer good oag want de groete optocht steit veur de deur en wat is ut kaajd boete! Desondanks hub veer dit es unne schitterende daag beleef. Bemele leef, en dat is op carnavalsdeensdag mer al te duudelik. Wat un fees hub veer d'r mit alle luj van ut durp van gemaak!

Ut aafschakele kin beginne. Mit unne hiering en de litste pilskes kome veer weer langzaam op de grond. Neet te snel, veer goan nog hiel lang geneete van alle sjoen momente die veer hubbe beleef. Dit pak us noets mie eine aaf

Bemele Alaaf!



Pastoor Brouwersstraat 18a
Margraten
www.faceitbeauty.nl

WIS GEER DAT? (deel 1)

Wis geer dat:

- veer in Bemele sinds kort ouch un Biljartclub hōbbe? En dat zee nog aan 't zeuke zeen nao unne gooje naam? Missjien "de botte Keu(j)" " waal toepasselik is?
- zee van alles wēlle gaon doen behálve bieljarte? Zoe es: bergop kanoen in Cuba? Veer deenke dat unne naam es "Debieljartclub" daorum ouch wel toepasselik is?

Wis geer dat:

- 't Boeregolf veurig jaor gewonne is door de sjoffelploog (umdat die ervaring huuwe mèt sjtekke) dit jaor door de Jeu de Boules club (umdat die ervaring hōbbe met balle)?
- veer us aaf vraoge wē ervaring haet mèt looker umdat die volgend jaor nog wel ns kans zouwe kinne make?

Wis geer dat:

- Wis geer dat d'r bee de nieuwjaarsduik dit jaor mèr 4 man 't water in durfdē? Zee zagte dat 't mèr 'n kleinigheid waar en neet veul veursjtelde?
- veer dat achteraaft in de kleidkamer ouch hōbbe kinne zeen?
- dat die van 't twiede waal get miergewēnd zeen in de kleidkamer.....

Wis geer dat:

- die van 't twiede jaomer genug neet gewēnd zeen te winne?
- dat ze dit seizoen pas eine wedstrijd hōbbe gewonne met 2-3?
- dat kos umdat ze toen de tegesjtander al 4 roeij kaarte how gekrege? En de tegesjtander zelf ouch nog un eige goal gemaak houw?
- en wis geer dat Rob Andrién nao de wedstrijd zoe blij waar dat heer unne boeksjuiver maakte? Mèr dat heer dao waal get hōlp van de tegesjtander bee nuudig houw? En heer neet ins met houw gevoetbald?

Wis geer dat:

- veer met Dyanne un geweldige zangeres hōbbe in 't dorp? En dat die ouch in de Limbo top 10 sjteit? Da die nummers haet gemaak met titels es "Op geveul", "Door" en " 't Kump"?
- veer us aaf vrooge of ze heijbee inspiratie haet gehad van Philippe en zee wellich ouch same e nummer(ke) gemaak hōbbe?

Wis geer dat:

- veer, euver nummers gesjproke, waal gehoup houwe op un nuij

nummer van 't Krutje?

- dat die van 't Krutje nao dat groete succes veende dat de tuin van Marion en Deun te klein is gewore en noe op zeuk zeen nao un nuij lokatie veur 't Krutje fees?

- veer toevallig gehuurd hōbbe dat d'r un paa hoezer weijerop ouch unne groete tuin ligk met un groete weij?

- de nuije eigenaa, Ralph Andriën. 't Vas geweldig zal veende?

- dat heer sjpeciaal weer terök nao Bemele is gekomme zoedat heer eindelijk ouch Preens van Bemele kin weure?

- dat de familie Andriën daomèt de groetste leverancier zou zeen van Carnavalspreense?

- dat de buurtvereiging iers nog un enquête hèt gehouwe veurdat Ralp terök kos komme? Dat de vraog waor "wille veer Mier Of Minder Andriëns in de sjtraot?

Wis geer dat:

- nao al die jaore Krutjefees Marion en Deun op vekansie zeen gewaes in Gambia?

- Marion noe eindelijk waal 'ns de Big five wilde zeen?

- dat neet hielemaol geluk is? Marion mer veer groete haet gezeen en de vijfde eve groet waor es Deun?

Wis geer dat:

- 't leech 't weer neet deit in de Mei-den?

- café Roemers tegenwoordig waal un euvervloed aan leeg haet op 't terras?

- de joonkheid daorum de kèrmis mer haet verplaats nao de café?

- d'r tegenwoordig ouch al regelmatig u look ligk veur de café?

- veer us aafvraoge of dat un teike is dat de mei-den zelf ouch veur de oprit geplaatst geit weure?

- de gemeente zich aafvroog boe die looker vandaan kaome?

- de gemeente éch dach dat d'r unne tunnel oonder de Aokersjtraot zou ligke?

- veer daomet al ierder unne tunnel zouwe hōbbe gehad dan die van Mestreech met hun groete Moujl?

- dat euveriges oet onderzeuk is gebleke dat zelfs de Bemelse Mosasaurus al un groetere moulj houw dan dē van Mestreech?

- nao noe bliek d'r inderdaad unnen tunnel oonder de weeg ligk?

- dae tunnel door Lei aan de euverkant is gegrave van bee hum oet de kelder nao de kelder van café Roemer?

- Lei zoe ouch in de beerkelder kint komme es de café gesjlote is?

Wis geer dat: veer uch weijer op nog veul mier laote weite?

Tom van Leeuwen

Oude Akerstraat 30
6268 ND Bemelen

will1924@planet.nl
0434071852
0641575850




Cafe 't Plateau
SINDS 1896



HENRY VIII
Pub
VALKENBURG A/D GEUL



praktijk voor
mondgezondheid
maastricht

Christel Schlösser
mondhygiënist

Oude Akerstraat 45, 6268 NC Bemelen | +31 (0)6 2816 8509
www.praktijkvoormondgezondheid.nl | info@pvmg.nl

ROEMERS
EETCAFE



Green Resorts
Mooi Bemelen



BOOMKWEKERIJEN
JOS FRIJNS & ZONEN B.V.

B&B
utGood



DE GERUCHTEMEULE

En jao huur, dao zeen veer weer...

De Geruchtemeule haet auch in 't aafgeloupe jaor weer op volle toere gedriejd. Veer höbbe ós zoe ongevaer eine laame èrrem gesjreve um 't allemao bee te kinne hauwte. En 't waor hiel èrreg lèstig um veur dees gezèt 't sjmakelikste geruch d'r oet te keeze. Woe veer 't euver goon höbbe, dizze kieër, is de reklame.

Mesjiens höb geer 't waal gemèrrek: Bieëmele is de lètste jaore fleenk aan de weeg aan 't tummere. Koste noch meujte weure gesjpaard um 't dörrep waereldberoemd te make. Wat de mieste van uuch mesjiens neet weite: d'r is auch 'n gespecialiseerd reklame-buro ingehuurd um dao 'n kampanje veur te ontwikkele. Dat is allemaol nogal sjtiekem gebäörd, mèr 't iersjte veurbeeld van die kampanje hób geer nog neet zoe lang geleije kinne zeen: de kreet **Ozze meziek kinste preuve!!!** woemèt de hermenie 'n bezeunder konzèr aankondigde.

Dae reklame-kreet kaom oet de koker van Buro MDLMGW (Maak De Luij Mèr Gèt Wies), en dankzij 'n hiel betrouwbare bron weite veer dat in dae koker nog vööl mieër weurt bekoksjoof. Veer wille veur uuch 'n klein tipke van de sjuier opluuchte....

Veur de kampanje um de volgende Bemelse Boere Bergloup aan te kondige, haet 't reklameburo de volgende slogan bedach:

Ozze veuj kinste ruuke!!!

En veur 't iersjvolgende toernooi van de Jeu de Boules-vereniging höbbe de tèks-sjrievers zich 't volgende in laote valle:

Ozze balle kinste veule!!! Dan höb geer waal zoe ongevaer 'n idee welke kant 't op geit...

Netuurlik höbbe veer os op de redaksie van dees gezèt, en dan speesjaal achter sjërme van de Geruchtemeule, aaf zitte vraoge wat dao nog mieër veur meugelikhede in zaote. Veer dachte beveurbeeld aan eine slogan veur de FC Bemele bee de opening van 't nuije seizoen, um mieër toesjouwers te trèkke: **Ozze punte kinste tèle!!!** (eventueel in de loup van 't seizoen aan te vulle mèt: **op de vinger van ein hand...**).

En veur de Joonkheid hōbbe veer bedach: **Ozze meiden kinste....** (de rès maoge ze zèllef invulle; veer wille gein herrie).

De slogan **Ozze knolle kinste neet veur citroene verkoupe!!!** Is door ruitervereiniging Vrij en Blij afgeweze. Die wilde zich neet door 'n reklameburo laote paerdskeutele, zag de veurzitter. 'Os paerd knolle neume, dat is 'n brutaliteit!" Auch 't alternatief **Ozze paerd dao kinste euverheen getild weure!!** zaoge ze neet zitte.

De sjoeffelploog haw de hōllep van 't reklameburo gaaroets neet nuudig, zagte ze. Die hawwe zelf al bedach: **Veer sjoefele hēller es die van de FC!!** Wat beter klōp es dat 't kleenk.... De carnavalsvereniging haet oeteindelik gekoze veur: **Ozze maskes kinne auch aaf!!!**, mèt veur auwwieverbals en andere dans- en polonaise-gelegenhede de variant: **Ozze veuj zitte ech neet aan de vloer vàsgeplèk!!! (veer doen mèr net es-of...)**

Veur 't Mannekoeër hawwe veer in gedachte: **Ozze sjtumme zeen neet te koup!!!**, mèr eederein waor 't d'r euver ins dat-ste dae eigelik allein mèr in verkeezingstieds zows kinne gebruuke umdat 't de rès van de tied nùrreges op sjleit. Eine van os redacteurs kaom mèt 'n oplossing: este die sjtumme neet kins koupe, kinste ze dan mesjiens waal huure? Dus haet 't koer noe gekoze veur de slogan: **Ozze sjtumme kinste huure!!!** Of eederein dao zoe blij mèt is...?


Lèt d'r mèr ins op, 't komende jaor. Dan zult geer al die slogans vreug of laat waal veurbee zeen kome. En bedeenk dan: de Geruchtemeule haw 't uuch al veursjeld. Zoe-es altied: es iersjte, en absoluut betrouwbaar. Geer kint os motto: **Ozze geruchte kint geer geluive!!! (of neet...)**

Tot de volgende kier!!!

sponsor



Nao mini-bieb, noe ouch Mini-bar in Bemele..



Kiek dae Tommy sjnap dat luij in Bemele
mie dreenke es leze

WILD WEST THUIS BEST



Biste carnavalisten,
Veer wille uch gere oetnudige veur de
KEENDERZITTING
van CV de Berggeitte.

Deze zitting weert gehowwe op:
Zoondig 19 februari 2017,
13.11 uur oplaote geit / start keenderzitting
In 't Gemeenschapshuis Oude Akerstraat 52, Bemelen

Veer hòbbe veur uch natuurlijk zitplaatse
gereserveerd.
Dit jaar is os thema "Wild West Thuis Best" en de
dress code is Glitter country rood
Veer dage uch oet creatief te zeen mit uche outfit!

Hopelijk tot 19 februari 2017!

Carnavalsgroetjes,
CV de Berggeitte van Bemelen





Daot mèt, en weur lezer van 't Carnavalsseizoen 2017 !

Net zoe es eeder jaor organisere veer van de carnavals vereniging same met d'r Tump weer unne "lezer van 't jaor" verkeezing of, in os geval, unne "lezer van 't carnavalsseizoen". Dit jaor höb veer daobee veur 't iers ouch de hulp van Facebook ingeroope. Eederein kin met doen, 't is neet meuijlik, geer hoof bee de foto's allein mer 't gooje oondersjrif te keeze. Vööl succes !!



Foto 1

- A. Bemelse hoond is in Banneux heilig verklaard nao wandel woonder.
- B. Nuij carnavalspekske veur hoond van (ex) preenses Bemele
- C. Bedevaard oord Bemelen geopend door Bisschop Borre van Bemelen

Foto 2

- A. Verontruste plateaubewoners trekken ten strijde tegen parkeerplaats
- B. Bemele maak zich op veur 1000 jaorig besjtoon
- C. Bemele 2 maak zich op veur thoeswedstrijd tegen Leonidas





Foto 3

- A. Levend scorebord FC Bemelen toont publiek het aantal gescoorde doelpunten (dit jaar)
- B. Leider Bemelen 2 vraagt wie wil wisselen...
- C. regendanser probeert wolke lek te prikke...

Foto 4

- A. ein ei is gein ei, twie ei is 'n hauf ei, drie ei is....
- B. bar, bar en nog ins bar...
- C. demonstrasie veerstjűmmig zinge veur trio's



Foto 5

- A. Opnames Deil 2 "Bewakers van Bemelen"
- B. Nieuwe film "Baarden van Bemelen"
- C. dat is toch waal eine breidbeeld-camera, hè?



Foto 6

- A. Wie neumste de Sjoenmam van un bosjesman? Juist ja: un takkewijf...
- B. Camouflage Vogelwerkgroep Bemelen tijdens vogelherkenningscursus..
- C. Bemelse met flinke bos hout veur de deur...



Foto 7

- A. Oud wethouder Bemelen nump gouden CD van 't Krutje in ontvangst
- B. Bemels raadslid wint goud bee WK 50 jaar zitte blieve...
- C. Zoe'n sjeike medaajers höbbbe de Berggeitte neet...



Foto 8

- A. Stadion FC Bemele umgeduip tot 't Kuupke
- B. En heij oefene ze 't plotseling opduuke op de helf van de tegesjtander...
- C. Zulle veer de Nuijjaorsduuk volgend jaor mèr binne doen?



Foto 9

- A. Na vertrek shirtsponsor is FC Bemelen op zoek naar nieuwe kledingsponsor
- B. Lullige actie van spits FC Bemelen niet bestraft
- C. Iech vroeg ofste zin houws in waffele..... neet swaffele....



Foto 10

- A. 't is al goed Pietertje, kom jij maar even wisselen....
- B. Topscoorder Bemelen wederom niet genomineerd voor gouden schoen
- C. Och, jong, soms is 't auch neet um aan te zeen....



Foto 11

- A. Mei-den op de vluch veur Joonkheid..
- B. Vlotte Vrowluij Vleege Veuroet in Bemels Beste Boeren Bergloop
- C. Verplichte nummerplaat ingevoerd veur Bemelse vrowluij





Foto 12

- A. Nieuw seizoen dramaserie de Sertipirotons..
- B. 4 Mansluuj, 3 vrowluuj, 3 zonnebrille. Wat klop heij neet?
- C. Gewapende bende ontveurt wape van Bemele

Foto 13

- A. Vers Voordeel Vaesen opent eerste fruit drive-in in Bemelen.
- B. Na Fer's sap nu ook "Fer's banaan" te koop..
- C. Bananenoorlog in Bemelen: Bananenboxer deelt eerste klap uit



Foto 14

- A. Domino D-Day in Bemelen groot succes
- B. Speesjaal twalette veur wae neet rechop kin pisse...
- C. Nuije mini bungalows Green Resort Bemelen neet waerbesjtendig...

FILMNUUJTS: DE KROMME GEIT VEUR DE OSCAR!!!

Groetste filmnuujts van dit jaor: **de Kromme geit veur de Oscars!!** Veer höbbe oet zieër betrouwbare bron vernome dat d'r drök gewèrrek weurt aan de veurbereidinge van de film 'Bewakers van het Dorp 2', ein vervolg op de zieër succesvolle iersjte film mèt dezelfde naam (woeveur zowste gèt nuijts bedeenke es gèt auwts auch wèrrek?).

Geer herinnert uuch mesjiens nog waal dat 't ganse land, en speesjaal Bieëmele, op z'n achterste puuj sjtong wie bee de lètste Oscar-oetreiking de succesfilm mèt de Kromme in de hoofdrol neet ins genomineerd waar veur eine pries. Terwijl 'r toch al bijna 'n Gouwe Kalf haw gekrege. Mèr regisseur Hans Heijne is neet bee de pakke neer goon zitte. Heer is momenteel bezig mèt 't scenario veur de vervolgfilm, en heer is d'r van euvertuig dat ze bee de Oscars sjtraks neet mieër um de Kromme heen kinne. 't Haet euveriges nog waal meujte gekòs um de Kromme weer veur de hoofdrol te sjtrikke. Wie häöm dat veur de iersjte kieër woord gevraag, zag heer allein mèr: "Auw kloete... Wat moot iech daomèt?" Mèr oeteindelijk haet heer zich toch laote vange, nao de belofte dat heer deze kieër beter betaald zow weure. Volges de geruchte zow heer veur de nuije film 'n salaris kriege dat drei kier zoeë hoeëg is wie dat veur 'Bewakers van het Dorp'. Zèllef wil heer dao neet te vääol euver kwiet, behauve "Drie kier niks is nóg altied niks..." Heer ontkènt neet dat ze 'm veur de tied van de opnames auch nog gratis beer höbbe belaoft. "Mèr dat sjtèlt niks veur, want zoevääol dreenk iech neet." 't Is nog neet duudelik of de Kromme 't contract inmiddels geteikend haet. De lètste kieër dat veer 'm sjproake, waar heer nog drök bezig mèt 't oefene van ein handteikening.

Woe 't verhaol van 'Bewakers van het Dorp 2' precies um drijt, wil de regisseur nog neet kwiet. Vås sjteit waal al

dat de Sjoeffelploog deze kieër ein groetere rol geit sjpieële – d'r goon geruchte dat dat gèt te make haet mèt de ontdekkung van eine geheime tunnel tössje de kèrrek en de kaffee, en 't sjmoekkele van groete veurraode beer en sjtërke drank nao 't prieel in de tuin achter de pastorie – en dat d'r auch mieër opnames weure gemaak op Cuba. Dat lètste kòs veurige kieër nog neet vanwege geldgebrek, mèr noe de Kromme 'n waereldsjter is, wille ze 'm op Cuba auch waal ins zeen. Volges eine woordvoerder van 't Cubaans ministerie van cultuur wille ze dao waal ins weite wat Bieëmele nog mieër te beeje haet es actie-helde mèt sjpiere wie sjtaalkabele. "Dat weite veer noe waal... Veer wille noe auch waal ins éch acteurstalent oet uuch dörrep zeen. Dus veer houpe dat de Kromme os oetnuudiging accepteert. 't Is allein jaomer dat Fidel dat dan neet mie mèt maog make... Dat waor eine groete fan."



Carnavalsprogramma 2017



Zoondig 19 februari: Keender-Zitting

Um 13.11 oor: Oploate van de Berggeit en ballonnen – wedstrijd.

Met oetroope vaan de nuije Jeugdpreens? En/of Prinses ?

Zaoterdig 25 februari: Sjeleuteleuverdrach

Um (ongevaer) 17.00 oor: Sjeutel-euverdrach van de parochie Bemelen tijdens de H. Mis

Daonao Preense/Prinsessebal **café Roemers**

Maondig 27 februari: "ouwerwetse" Carnavals-aovend café Roemers

Sjpeciaal veur ouw preense en prinsesse, ouw wiever en andere ouw carnavalsvierders met ouwerwetse gezelligheid en ouwerwetse carnavalsmuziek. (vanaaf un oor of 3)

Deensdig 28 februari: Groete Carnavalsoptoch

Opsjtelle : 12.11 oor op 't Gasthoes

Vertrek : 13.11 oor

's middags en 's aoves springe in de zaal

Woensdig 29 februari: Hieringe biete

Um 18:30 Assekruiske haole in de kerrek, daonao hieringbiete bee café Roemers.

Ouwerwetse Carnaval in BEMELE

Ouch veur:
Ouw preense
Ouw prinsesse
Ouw wiever

Met allein
bekinde
karnevalsleedjes
en ouw buutte
en friet met sasj..

Carnavals
Maandag

27

Februari

Vanaaf
15:11 oor

Café Roemer's

BEMELE DOEZEND JAOR.....

Euver Limburgers zègke ze waal ins dat die eeder gelegenheid aangriepe um 'n feeske te viere, zoedat ze ziech weer ins ongezejeneerd vol kinne laote louope. Noe zeen Bemelenaere dao gein oetzeundering op. Die löste 'm auch waal...

Wat ze noe weer bedach höbbe – en 'ze', dat zeen die van de Heemkunde, wat anders toch gein echte zoepclub is – is dat ze volgend jaor de 1000^{ste} verjaordaag van Bemele wille goon viere. Wie ze daabee kome? Ze höbbe urreges in de archieve 'n sjtuk ('n auwt vel...) opgedoke oet 't jaor 1018 woe-in de naam Bemele veurkeump. Dat is de alleriersjte kier in de geschiedenis dat dae naam geneump weurt – veurluipig, tenminste, tot ze 'n sjtuk veende dat nóg auwer is... En dao höbbe ze meteen mèr 't geboortejaor van 't dörrep van gemaak. Of dat klop? Waarsjijnlik neet. Mèt eine sjlaag um de èrrem höbbe ze 't dan auch leever euver Bemele 1000+. Dan kinne ze sjtraks nog alle kante op... Inmiddels weurt drök gewèrrek aan de veurbereidinge van 't verjaordaagsfees. Ze höbbe bee de bekker al ein besjtèlling oetgezat veur eine toert mèt doezend keertskes (plus nog gèt reserve, vanwege dat 1000+). Ierste berekeninge wieze oet dat dae'n toert ongevaer eine meter bee vief meter groet moot weure, dat d'r vieftig duuskes zjwegele nuudig zeen um al die keertskes aan te sjteke, en dat d'r twiehoonderd liter koffie nuudig is um al dae'n toert weg te sjepeule. En hoonderdvieftig sjeij-bekskes... Ein speesjaal kemissie – de Wèrggroep Toert – zal ziech daomèt bezig hauwte.

Intusse is de Heemkunde al bezig mèt 't verzamele van verhaole oet de geschiedenis van Bemele, zoedat ze dao 'n book van kinne make. Groet probleem daabee is dat geine ziech nog gèt kint herinnere van de iersjte 900 jaor van 't dörp, zelfs de Kromme neet, en dae is toch al behuurlik op

laeftied. Mèr die van de Heemkunde weite de raarste verhaole op te duuke, dus wae wèt...

't Twiede van de FC Bemele haet planne um in 't jubileumjaor ein toernooi veur alle twiedes van Groet Mergraote te organisere, en dat auch te winne. Geer vint dat te optimistisch? Die van 't twiede neet. Volges hun moot zelfs 't twiede van Bemele statistisch gezeen ins in de doezend jaor eine wedstrijd kinne winne...

Ruitervereiging Vrij en Blij haet belaoft dat ze in 2018 veur hun festiviteite allein mèr auw knolle zulle gebruuken. Ze zeen noe al citroene aan 't sjpare um d'rs gèt aan te sjaffe... En de hermenie wil veur de rommelmèrret allein mèr rommel dae minstens doezend jaor auwt is (of dao-op liekent).

En zoe is eederein bezig um d'r volgend jaor eine sjieke verjaordaag veur Bemele van te make. Of dat geit lùkke? Veer hauwte uuch op de huugte...



Leef luuj van Bemele!

Iech höb hiel veul leuke dinger maoge mit maake. Neet allein tijdens de Carnavals tied meh auch de tied dur veur. Dur veur waar ut veural de sjpanning die ut leuk maakte; ten ierste gewoon het geheim houwe in ut algemeen meh auch ut ontwerpe en passe van mien kleier, de foto's make en ut verseere van ut hoes in Carnavals sfeer. En tijdens Carnaval hub iech genote van alle gezelligheid same; ut oetrope, nao ut Gemeintehoes, de foto's ophange in de cafe's, nao Vallekeberg mit een deil van de Grote Raod en nog veul meh dinger die ich noets meh zal vergeete! Luuj vroagte miech:

Enne, volgend jaor Preens in Vallekeberg? Nei, tuurlijk neet.... Boehrum neet.... Omdat ich bienao zeker weit dat de beleving unne 2e kier gaans anders is. Mien periode in Bemele is neet te euvertreffe!

Iech wil uuch ALLEMAOL bedaanke veur ut Carnaval vieren mit mich. Mit in ut biesonder de luuj die dit veur miech meugelijk hubbe gemaak: papa, mama, Hugo en Ralph en de organisatie van de Kleine Raod. Auch natuurlijk eederein in de Kleine Raod, de Groete Raod, Preens Didier en Prinses Britt, bedaank! En neet te vergete mien leeve tant Sjee, die is euveral mit mich nao toe gegange, dat vong iech super gezellig.

Groetjes (oud) Jeugdpreens Jerome I
ALAAF!!!



PRINS JEROME I 2016

De Berggeitjes Bemelen

Joonkheid in de Processie....



Zoe vaerdig,
wie é communiejeske..
Un sjerp um en un sjtriep in..

WIS GEER DAT? (deil 2)

Wis geer dat:

- Guy, Lars en Camiel nao un ritje van de kantine nao Mestreech veurluipig eve neet mie in de oto mochte sjtappe?
- zee ouch nog unne verpliechte alcoholcursus moste volge?
- veer dat neet sjnappe umdat ze toch al prima kinne dreinke?
- dat de politie Didier leet loupe (ja eigelik leet reeje....)
- dat ze dat dus bedoele met "van de preens gein koed weite... "
- dat Hugo in Valkeburg gelukki neet z'n rijbewies kwiet waar.
- mer waal de weeg wie heer ziene oto midde op de rotonde parkeerde...

Wis geer dat:

- Hugo neet de innigste is dae un probleem haet met parkere?
- dat de "verontruste plateaubewoners" ouch parkeerprobleme hōbbe, veural heij oonder in 't durrep....
- veer dachte dat die op 't gasthoes toch al genog eige probleme hadde met al die hobbels, flitsers en lets zelfs un écht sjtopleech?

Wis geer dat:

- Op 't drukste kruuspunt van 't Gasthoes 't terras van café 't Plateau fleenk is opgeknap?
- dat terras 't hiele jaor geopend is?
- dat jaomer genog neet geld veur de café zelf....?

Wis geer dat:

- euver café's gesjproke, Bemele hiel eve unnen extra café haet gehad op de auw Akersjtraot (Dörrepsjtraot)?
- Nico 't bord "Café Ubachs" mèr sjnel weggehaold haet wie d'r 's aoves aangebeld woort umdat Henk van cafe Roemers get ierder nao bed wou?
- geer binnenkort missjien kint geneete van ech Bemels Beer?
- de vogelwerrekgroep un beer wil laote brouwe oonder de naam "Klamatsj"?
- mer dat 't veurluipg blijf bee preuve en dus behuurlik de "klatsj" in de plannen is gekomme?
- veer al langer wiste dat preuve en dreinke veul mekkeliker is dan brouwe? Veul lekkerder ouch trouwens...
- De Sjoeffelploog ouch planne haet veur un eige beersoort?
- zee dat beer op de merret wille bringe es "La Chouffel-beer"?

Wis geer dat:

- dat ouch Fer Vaessen inmiddels zien eigen drank op de merret haet gebrach?
- heer appelsap verkup oonder de naam "Fer's Sap"?
- veer bee dae naam un gans andere veursjtelling h:obbe?
- heer ouch Fer's noten en Fer's eieren wil goon verkoupe?

Wis geer dat:

- dat sjteeds mier hunnekes ronloupe in Bemele?
- dat ouch Rim en Yentl zich unne hoond hōbbe aangesjaf?
- dat Yentl Mila (d'n hoond) en Rim op gehoorzaamheidscursus haet gesjtuurt? Dat dat bee Rim mier succes haet opgeleverd?
- zee mēr ligh hoof te rope of Rim dae ligk al op de bank?
- Mila neet zoe good luustert?
- dat dae alleen mer luustert es Rim of Yentl per oongeluk "shit" reup?
- de gemeente daorum 't ganse durp vol burdsjes haet gezat?
- dat Borre, de hoond van (ex)prinses Christel ouch al neet wil luustere?
- Christel hum daorum op Bedevaart nao Banneux haet gesjtuurt?

Wis geer trouwens ouch dat:

- d'r op 't gasthoes unne hiel ouwe vrijmetselaarskelder is ontdekt?
- Dat veer dat noets geweite hōbbe maar waal wiste dat d'r vreuger heij nogal get zwartmetselaars rondleepe?

En wis geer ouch dat:

- Peter Beaujean bee de bananeboxer werrek en alweer papa weurt?
- heer ongetwiefeld ouch nog de hit "de Appelseenewals" van de bananenboxer kint: "hop, hop. Hop. En nog ein, en nog ein,..."
- es te op sjtap geis en de wils nao hoes touw, ze in het weekend de belbus mos belle en dat 't dan nog un oor doort..
- geer dus un hiel gooj reje hōb um un eurke later thoes te komme? (en 'n Bemels keteerke dan ouch Bemels Eurke weurt?)
- de filmaovende bee café Roemers 'n groet succes zeen?
- de vrijgezelle waal gevraag hōbbe veur mier natuurfilms...?
- de kribkeswandeling weer un groet succes waar?
- d'r waal vraoge gesjteld zeen euver de vrēme donkere man bee Maria in 't kribke bee Vaessen,...
- Eine ouwe preens en ein ouw prinses (neume gein name) in vol ornaat nao de "night of the preens" zeen gewès,...?
- 't publiek (onverkleid) dachte dat zee de artieste waore?

En wis geer dat veer gehuurd hóbbe dat:

- Sjef Corten ziech unne nuije grote oto gekoch haet?
- Unne Porche Panamera? En veer os aafvragoge of dat gèt met de Panamera-papers te make haet?
- de carnavalsvereiniging nog sjteeds op zeuk is nao unne nuije president?
- ze in Amerika noe veur dees functie unne groete hoteleigenaar (Trump) hóbbe gevoonde?
- veer ouch sjoen hotels hóbbe en us aafvraoge of.....?
- de redactie van d'r Tump haet euverwooge um veurtaan es d'r Trump weijer te goon?
- d'r bee de put in bemele un paar zeldzame Pokemons zitte?
- d'r in de café volges os nog veul mier rare Pokemon's zitte?
- die van de fietsclub zich hiel deks de fiets pakke?
- dao soms ouch waal 'ns unne verkierde fiets tusse kin zitte?

En wis geer tot sjlot dat:

- carnaval in Bemele veer jaor achterein jubileum haet?
- iers de jeugd 4x11 jaor bestoond, daonao de groete raod, 't jaor daonao de oud preense en dit jaor't carnavalsgezetsje aan de beurt is.
- Veer dus inmiddels $44 \times (\text{ongevaer}) 32 = 1408$ pagina's kwatsj hóbbe gesjreve...
- dat mier pagina's zeen es Tolstoy's "Oorlog en Vrede"...?
- veur luij die gein plat kinnen praote of leze 't waarsjijnlijk ouch Russisch is...?
- Veer daurum carnavalsmaondig un groete receptie houwe in café Roemers?
- dao ouch de gelegeheid is de huidige groep sjrieverers te felicitere
- zee besjlote hóbbe um alle eventuele gifte te doneren aan 'n pas opgeriechte sjtichting veur 't gooje doel..
- deze sjtichting 't doel haet um de middensjtand en dan met name de sector Horeca in Bemele te sjteune en luustert na de naam stichting V.H.D. (Veer Hóbbe Doorsj)
- Keertsjes (met name zoepkeertsjes) weure door os zier gewaardeerd en op waarde gesjat...

Wis geer dat:

- veer nog veul mier weite?
- mer veer nog 'n aantal jaore veuroet motte en 't daorum heijbee laote? Neet? Nou dan wèt geer 't noe.

van Gregor
interieur & verbouwing

www.vangregor.nl
06-15423216

 **Lambert Thomassen**
Metaal draaierij

LWM Thomassen
De Steeg 6
6268 NK Bemelen
Telefoon: +31(0)43-4072060
Fax: +31(0)43-4072660
Email: lwmthomassen@home.nl

KvK Nr.: 14629622
BTW Nr.: NL86147502B01

PIERRE THOMASSEN



GEWASBESCHERMING

 **Hotel Bergruist**
Brasserie

DE MEEST COMPLETE DIERENSPECIAALZAAK !

 **Conjarts**

hulp, tuin-, diervoerders en benodigdheden
werk-, vrijetijdskleding en veiligheidsschoenen

Rijksweg 46
Mesbergweg 1
6325 BZ Berg en Terblijt
Tel. 043-604 17 43
Fax 043-604 20 69

 **H. & R. Andriën**
Landschapsonderhoud, Loonwerk

 **BAKKERIJ**
De Lekkerbek
Gebr. Mingels

Einsteinstraat 28 Heer/ Maastricht Tel: 043-3614415
Dorpstraat 116 Heer/ Maastricht Tel: 043-3618360

 **ELECTRO**
DUYCKERS BV

- VOOR AL UW ELECTRISCHE INSTALLATIES •
- ONTWERP • AANLEG • SERVICE • ONDERHOUD
- 24-UURS SERVICE DIENST •

Molensingel 69 • 6229 PC Maastricht • W www.duyckers.nl
• T 043-3652210 • F 043-3652505 • E electro@duyckers.nl •

De kopere kromme

De groete carnavalsorde van de Kopere Kromme, de ondersjeiing veur groete verdeenste veur de gemeinsjap Bemele en umsjtreke, weurt dit jaor towgekind aan:



- De redaksie van dees gezèt, die al 4x11 jaor alle kwatsj en flauwe zeiver oet 't dörrep veur uuch beejein hèlt...

- Wiel Dreesse, umdat heer al 50 jaor in de gemeinteraod zit en daomèt 't langstzittende raadslid van Nederland is. Ze höbbe háóm daoveur al iere-börger van Eijsde-Mergraote gemaak, en dan maog de Kopere Kromme netuurlik neet achterblieve. Veural auch umdat heer al gedreig haet dat veer nog neet van 'm aaf zeen...

- Filmmaker Hans Heijnen, umdat heer 't haet aangedörref eine film euver Bemele te make en daomèt oos dörp in gans Nederland bekind haet gemaak...

- De Kromme, Tiny, No en al die andere die ein rol gesjpèèld höbbe in de film 'Bewakers van 't Dörrep', umdat ze zoe euvertuigend ziechzèllef höbbe gesjpèèld...



PASSIE FLORA HOVENIERSBEDRIJF
Rijksweg 37. 6325AA Berg en Terblijt

E-Mail: passieflora@zonnet.nl

Tel: 06 - 53 33 94 42

**.concept . uitvoering .
.onderhoud.**

Wij nodigen U uit voor een lekker hapje en drankje
Zonnig terras in prachtig wandel en fietsgebied



Engwegen2a
6305 PM Schin op Geul
043-4591389

HEIJNENS

INSTALLATIES

P. Heijns Installaties v.o.f.
Meesweg 17
6325 BE Berg en Terblijt
tel: 043 - 60 80 377
fax: 043 - 60 80 378
06 - 520 953 36 Pedro
06 - 506 331 38 Pascal
info@pheijsens.nl
www.pheijsens.nl



Grondwerkzaamheden.
't Rooth 8, 6269 NV Margraten
0434072993 0653940355
e-mail: mnijskens@home.nl

*** CRIJNS banden.nl**



*** Maastricht**
*** Bergerstraat**
*** T. +31(0)43 363 55 66**



Ogiër

Interieurbouw

Tromputte 16
6269 BC Margraten
06 22 785 892

KLINKERS

v.o.f.

GROOTHANDEL IN ZOETWAREN

Uitgebreid assortiment aan carnavalsmelange
Bezoek vrijblijvend onze showroom en website!

Gratis bezorgservice

Zoetwaren - IJs - Dranken- Koffie/Thee
Carnavalsmelange - Disposables

T: 045 - 624 1723 www.klinkerszoetwaren.nl contact@klinkerszoetwaren.nl

BĚRHUYNEN

TUIN • PARK • LANDBOUWTECHNIEK

Vogele veur beginners

Zeet geer auch waal ins zjeloes op die luij die álles weite van vogele, en dao in de kaffee auch altied euver op zitte te sjöpfe? Dan hóbbe veer good nuijts veur uuch: de Vogelwèrkgroep Biëmele geit weer beginne mit eine cursus 'vogele veur beginners'. Oonder deskundige begeleiding liert geer álles wat d'r mèr euver vogele te liere vèlt, inclusief 'n paar praktijk-oefeninge. Auch es geer nog noeëts gevogeld hób, zeet geer van harte welkom. Veur-kennis is neet nuudig. Geer hoof allein de vraoge heij-oonder mèr te beantwoorde, en 'n breekke mèt de gooij antwoorde aaf te geve bee ein van de besjtuurslede van de Vogelwèrkgroep. Es geer dao zonder foute mit klaor kint koome, kint geer aan de cursus beginne.

DE VRAOGE (kees tössje A, B en C):

1 Wat is 't versjil tössje eine merel en ein mösj?

- A. Eine merel haet breijere vleugels es Allways, ein mösj neet altied...
- B. Ein mösj geuf ziech neet zoeë gemeekelik bloeët es eine merel...
- C. Eine merel blijf ziene partner z'n ganse leve trouw, mit 'n mösj wètste dat nooit...

2 Wie zuuste of eine vogel 'n mènneke of 'n wijfke is?

- A. Kniep 'm eve in z'n kluutsjes. Es heer 'au!!' reup, is 't ein mènneke...
- B. Tèl de roeëdbeursjkes. Es 't mèr ein beursjke haet, is 't ein mènneke...
- C. Es 't ziene sjnavel gein vief menuute tow kint hauwe, dan is 't ein wijfke...

3 Wat waor d'r ieërder, de vogel of 't ei?

- A. Ieërsj waar de vogel, want zoonder vogele kome d'r gein eier...
- B. Ieërsj waar 't ei, want zoonder eier kin d'r neet gevogeld weure...
- C. Ieërsj waar de vogelwèrkgroep, want anders wèrk 't zoe-wie-zoe neet...

4 Welke veugel kome in Bieëmele 't mieste veur?

- A. In de vastelaovestied: raar veugel...
- B. Nao de neugende maand: vööl ooievaars...
- C. In einzame weenternachte: vööl trèkveugel...

5 Welke van de volgende oetsjproake haet niks mèt vogele te make?

- A. Geiste mit 'n pötsje pikvogele?
- B. Wae veur 't zinge de kèrk oetgeit, sjöt noets de vogel aaf...
- C. Wae te vreug keump bee 't vogele, is neet veur de poes...

6 Welke hulpmiddele zeen onmisbaar veur eine oprechte vogelaer?

- A. Eine verrekieker um interessant euver te kome...
- B. Eine greune jas, zoedat-ste in 't greun neet veur sjöt löps...
- C. Ein bäörsj, mèt genug d'r in um nao 't vogele eine te kinne drenke...


Sjrief de gooi antwoorde op 'n breekke, en duij dat in de böse bee ein van de besjtuurslede van de vogelwèrkgroep. Zèt uuge naam en adres d'rbee. Zeen minstens drei van de zès vraoge good beantwoord, dan krijg geer zoe sjnel meugelik 'n oetnuudiging veur de iersjte cursus-aovend. Um neet al te lèstig te beginne, goon veer 't in de iersjte les hóbbe euver de mösj. De Vogelwèrkgroep haet veur de praktijk-

oefeninge 'n paar oefen-mösje besjikbaar, mèr geer maog
auch uuch eige mösj mitbrènge. Våöl succes!!!
Um uch e sjtukske op weeg te hellepe bee 't herkinne van
veugel wille veer un aantal biezondere exemplare besjrieve



Roze Flamingo (*Phoenicopteridae*). 't betref de in Limburg hiel
zeldzame Roze Flamingo dae tot noe tou allein in Bemelen is
gespot, aafgeloupe Carnaval miestal in 't gezelsjap ban unne
zjwart-witte Pinguin. Behalve de typische lokroop (un hoog Didi,
Didi....) te herkinne aan de prachtige roze kleur en de typische
houding.

De Roze Flamingo trek miestal eine poet hoog op. Reiye hei veur
is dat es zee dae andere poet ouch op trek, zee op heur gezich
geit...



Kraanvogel (*Grus Grus*)

Kump sjteeds wieniger veur in Bemele, zeker met Carnaval. Weurt dan massaal vervange door de Tapuit.

Trek dan hiel veul leefhebbers in tegesjtelling tot familie van de Tapuit: de Taptou

Kokmeeuw (*Chroicocephalus ridibundus*) Veur zoewiet bekind allein gespot bee hotel Bergrust(veural in het zomerseizoen) en bee café Roemers schuif heer met name op donderdag en vriedagaovend aan.



Trompetvogel (*Psophia crepitans*)

De letste tied, same met de Hoornvogel, sjteeds minder boete in 't wild gespot.

Met Carnaval huurbaar aanwezig, kinnen dan waal deks e keteerke te laat te komme...

Staartmees (*Aegithalos caudatus*)

Vreuger nogal beschouwd es e elitair veugelke, herkinbaar aan ziene prachtige soort paerdesjtart. Nao verluid kömp d'r un gans fokprogramma in Bemele, bee de ouwe café.



EIN PILSKE GÈRE, KAPPER !!!

Mesjiens höb geer 't gemis, aafgeloupe jaor, daorum eve op herhaling: kappers maoge in hun zaak röstig 'n pilske of 'n glaas wien tappe um hun klante 't wachte get aangenamer te make. De Horeca-bond haw ziech dao giftig euver gemaak – branchevervuiling, neume ze zoegèt in horeca-kringe– mèr volges de rechter is dao niks mis mèt.

't Waor waal te veursjpèlle dat cafébaze dao tege in actie zouwe kome. En dat is gebäörd. In diverse cafés in 't land kinste diech tegewoordig oonder 't dreinke auch eve laote knippe en/of sjere. Dat lètste weurt trouwes door de Kääringsdeens van Ware allein aanbevole in cafés woe de barman neet dreink (behauve es heer dat nuudig haet um zien trillende han röstig te kriege) en leefs auch allein veur klante die zelf nuchter zeen (vanwege 't risico van onverwachse bewaeginge). De eigenaer van eetcafé Roemers wèt nog neet of heer auch aan 't knippe en sjere geit. Heer veult mieër veur 't installere van 'n massaaasje-taofel – op de plek woe noe de kaarttaofel sjiteit, want dao verdeent heer toch niks aan – woe luuj zich oonder 't dreinke kinne laote aafknipe.

Auch op ander plekke in 't dörrep weurt naogedach euver meugelikhede um extra bronne van inkomste aan te bore. Bee Vershandel Vaessen beveurbeeld besjtoon planne um 'n kliniek te vestige veur de behandeling van pasjente die làs höbbe van fruit-geboonde aandoeningen, zoe-es luij die zich appelig veule, luij die zich eine kuul höbbe laote sjtoove, en luij die nuudig ins gèt peper in de vot moote kriege. De Nederlandse Vereniging van Hoesartse haet al protest aangeteikend tege de planne. Zee veende dat Fer Vaessen en zien collega's hun mèt de actie 'Snoep gezond, eet een appel' al genoeg klante aafgetroggeld höbbe. Es Vaessen zien planne doorzèt, wille de hoesartse via de apotheke weer sigarette goon verkoupe um mieër klante te kriege.

Intusse is Pierre Thomasse bezig um in ziene handel in gewasbesjermingsmiddele 'n heukske vrij te make veur 'n condoomwinkelke. Dat kleenk mesjiens waal gek, meint heer, mèr in de praktijk is 't versjil tössje gewasbeschermingsmiddele en gesjachsbesjermingsmiddele mèr 'n paar letters, dus dat moot kinne.

D'r goon geruchte dat binnekort bezoekers van de Deerekliniek Bemele auch meteen ter plekke 'n poorsie knien in 't zoer kinne ete, of 'n bruudsje Flappie (aanbod en pries afhankelijk van 't aantal operasies), mèr dat zeen inderdaad allein mèr geruchte. De eigenaer van eetcafé Roemers haw al gedreig mèt juridische sjtappe weges valse cocurrentie. "Ze moote miech neet oonder mien doeve goon sjeete, want die höb iech hël nuudig veur Sjuif Mer Aan", zag heer. "Auch op daag dat d'r gein kip in de zaak keump moot iech kippesop kinne make." Veer höbbe häöm mér neet gevraag wat heer deit op daag dat d'r geinen hoond in de zaak keump. Dat wille veer leever neet weite...

En wie zit 't met de Praktijk veur Moondgezondheid van oos veurmalige prinses? Die ontkint dat ze get van plan zou zeen wat neet bee häör vak zou passe, mèr via-via huure veer dao gans andere verhaole euver. Zoe geit 't verhaol dat ze bezig zou zeen um bee häör achterom ein fietsesjtalling te opene. Dat zou hiel good kinne, want van fietserèkke moot ze intössje alles weite. Volges ein ander verhaol zou ze auch planne höbbe um 'n bakkes te bouwe. Mèr dao kinne veer os niks bee veursjtèlle. Dao sjteit ze toch al de gansen daag in te kieke? Mèr dat hawwe veer weer neet begrepe, zag ozze informant: 't ging um zoe'n bakkes woeste vlaai in kins sjuive. Dat sjnappe veer dus éch neet. Zoe'n bakkes haet toch eederein in Bemele? Geer merk 't al, d'r is hiel gèt oonrus bee de middesjtand in Bemele. Oos economische redactie sjtèlt 'n oonderzoek in, woe-euver veer in de volgende oetgaaf van dees gezèt oetgebred zulle beriechte. Es veer dao tied veur höbbe tössje 't friete bakke door...

Groete Zitting en Preens 2017







Kint geer uch nog herrinnere dat...

Speciaal veur dis jubileum gazet kieke veer hei eve terök nao de opvallende beriechten oet de aafgeloupe 4x11 jaor Carnaval zoe es die in os gezetsje höbbe gesjtange...

Ongelueflik wieveul d'r is veranderd de aafgeloupe jaore, wieveul d'r 't zelfde is gebleve en wie deks de redaktie un bijnao veursjpellende gave bleek te höbbe...

Kint geer uch nog herrinnere dat in:

1975 – 't ierste carnavalsgezetsje 't daagliech zaog?

- dit mini gazetsje bijnao gans met de hand waor gesjreve?
- Karnaval nog met 'n K gesjreve woort en
- de Sjeuteleuverdracht op 't Gemeintehoes van Bemele waor?
- de aanlegk van Gaas in 't dörp toen 't groete nuijts waor?
- de optoch nog euver 't gehuch leep?

1976 – veer binne 5 jaor al 3 kier unne preens Jean houwe?

- de Sjteig woort bebouwd, de nuij sjoel woort geopend en nog belangrieker: de nuije café

1978 – de nuije groete en kleine preens altied woorte begroet door e prachtg gediech van redactielid van 't ierste oor Frans Steijns?

- d'r toen nog unne fiets zes-daagse waor in Bemele?
- de ierste antiekmerret van de Hermenie woort gehouwe?
- de muziek nao de optoch in de zaal verzorg woort door "Funny"? ein van Bemels Bandsjes?

1979 – de optoch zoe lang woort en de wages zoe groet dat ze neet mie gedreijt kaome op 't gehuch en dat vanaaf toen de optoch neet mie op 't gehuch kump?

- d'r veur 't iers unne oproop woort gedoon veur talent van eige bodem op de zitting?
- 't gezetsje begos met 't oetrike van "de kleine orde"

1980 – veur de ierste kier de rubriek "Wis geer dat" in 't gezetsje waor opgenomme?

- dat "é good glaas beer" bee café Bergzicht in 1980 precies hoondert cent kostte?
- dat dat, umgerekend nao de Euro, wil zegke dat un glaas beer dus 45 eurocent zou kostte?

Kint geer uch nog herrinnere dat in:

1981 – d'r veur 't iers sjpraoke waor van Un Ronde van

Bemelen? De veurlouper van Bemels Beste?

- De ierste Carnavalsschlager veur Bemelen "Un Sjoetel Beer" ie geneumd in 't gezetsje?

1982 – d'r geine sjleuteleuverdrach mie waor op 't gemeintehoes van Bemele umdat veer gein eige gemeente mie waore?

1983 – de complete tekst van "ein sjoetel beer" eindelijk woort gepubliceerd?

- in Bemele eindelijk weer unne nuije supermerret woort geopend?

1984 – de kleine orde van 't gezetsje woort veranderd in de groete carnavals orde "De Schwarte Bok"?

- oma Brouwers de ierste waor dè dis orde kreeg umdat ze 100 jaor waor gewore?

- d'r veur 't iers un ballonnenwedstrijd woort gehouwe met de keender carnaval?

1985 – veer van 't gezetsje os ierste jubileum vierden?

- ouch "de geit" veur 't iers woort opgelaote?

- 't jaor waor dat Andre Hazes toch neet nao Bemele kaom?

1986 – ein van de topjaore waor wat Bemelse artieste betreft op de ziiting? Van boereknechte, potdvrouwe tot de Moulin rouge?

1988 – 't twiede carnavalsleedsje van bemele 't leeg zaog?

- de tekst van "d'r Geitebok" al meteen in 't gezetsje stond?

1990 – de zeskamp bee de opening van 't sjportseizoen netuurlik onderwerp van 't gezetsje waor?

- sjus wie kampioen zakke drager Marcel Geurten uiteraard?

1992 – aafscheid genome woort van uzze golf-crisis preens zonder optoch Guus I?

- op de zitting neet eine Heino mèt drei Heino's zonge?

1993 – 't jaor waor van 't ierste bemels dansmarietsje Pierre Oberjé? Mèt ouch van de veul knappere Miss Limburg oet Bemele?

- 't ganse sjriekkwartet van André Rieu op de buhn stond?

1994 – 't gezetsje al veursjpelde dat Bemele ontdèk waor es prachtige filmlokatie en men op zeuk waor nao acteurs?

- veer mèt titels es "t aafgebrand dörrep" en "de klokkeluijer van de Sint Laurentius" d'r neet zoe wiet neve zaote?

1996 – os twiede jubileum (2x11 jaor) waor?

- de kromme veur de zoeveulste kier in 't gezetsje stond, mer noe es Preens?

- d'r un optreije waor van duo oetgesjlaope: Leon en Frans?

Kint geer uch nog herrinnere dat in:

1997 – de rubriek “de geruchtemeule” zien intrede deeg in ‘t gezetsje? De geruchte roondum de toekomst van ‘t verlaote hotel Mooi Bemelen (André Rieu?) ‘t ierste onderwerp waar?

1998 – Beppe Kraft te gast waar op de ziiting? Mèr ouch Tina Turner (Anita)? En de Roddeltantes (Ria en Truus)?

2000 – de waereld néét waar vergange, en de carnaval in Bemele gewoen doorging?

2001 – d’r toen regelmatig un zaate herremenieke’s concour woort gehouwe in de zaal?

- t beer in eine kier nog mer de helf koste? (in Euro’s dan)

2002 – de orde van de Zwarte Bok vervange woort door “de kopere kromme?

- Tina Turner weer op ‘t podium stond mer dat de jaore heur gein good houwe gedoon (Bert Biermans)?

2003 – d’r vrèmd genog geine Kopere kormme te ontdekke is maar waal weer unne hoesorde?

2004 – L1 live oetzendige verzörgde vanaaf de buhne in Bemele?

- ‘t blikbaar nog biezunder waar dat serve nao Cuba ging?

2005 – veer de ierste “allochtone preens” in ‘t beukske houwe sjtoon?

- de carnavalsoptoch de verkierde kant op ging (dörpsjtraot op, kerksjtraot aaf)?

2006 – veer us derde jubileum kostte viere, mer veer zelf dees oetgaaf neet mie hóbbe?

2007 – veur de ierste kier de fotokwis “carnavalslezer van ‘t jaor” is opgenome in us gezet en neet mie weg te deenke is?

- de carnavalsvereniging “de toppers” wis te sjtrikke ?

2008 – d’r veur de ierste kier zoewel de ouwe es de nuije preens in ‘t gezetsje stond? (en de helf van de gezet op de kop stond)

- de café in Bemele unne nuije eigenaar kraog?

- ‘t de ierste zitting waar boe neet gerouk mocht weure?

2009 – de kaft van de gezet veur de ierste kier neet allein op gekleurd pepier mer éch in kleur woort gedruk?

- ...en ouch die van de raad get mier kleur kreges (op de foto althans..)?

2011 – de toekomst van de leigsjtoonde sjoel onderwerrep van gesjprek waar?

- sjus wie: de nuij verleechting van de FC, de nuij gemeente indeiling (met die van Eijsde) en ‘t vertrek van Sinterklaas..

2013 – de naam van 't gezetsje inmiddels is veranderd in "gekkigGeit"?

2014 – veer 't ierste jubileum koste viere: de jeugdcarnaval die 4 x 11 besjtoon?

2015 – 't noe de beurt waar van de groete raad dae 4 x 11 jaor bestoond?

2016 – de oud preense hun jubileum (hiel röstig) koste viere?
- en dat veer veur 't iers eine Preens en ein Prinses in 't gezetsje sjtinge die hielemaol niks met elkaar te make höbbe?
- d'r eindelijk weer uns un Carnavalshit in 't gezetsje stoond?

44 jaor gezeiver...

Naodat in 1970 de carnavalsvereniging waar opgeriech kaome un paar jaor later, in 1975 um precies te zien, un paar carnavaliste op 't idee um un carnavalsgezet inein te sjtiele.

't begeen waar vrij seempel: un paar gestencilde bleedsjes, 't programma en 'n paar tekeninge en un ouw mop...

Geboore oet de redactie van d'r Tump waore Frans (Steijns) en Clair (Houten) de peetouwersj van dit gezetsje. Later kaome dao Ans (Mourmans), Guus (Urlings) en Jean (Andrien) bee.

Momenteel besjteit de redactie al einige jaore oet: Guus Urlings, Ralph Andrien, Soraya Janssen en Peter Urlings.

